

## **Ang Espirituwal na Binhi: Ang Hinirang ng Diyos**

*Galatians 4:6,*

*“At sapagkat kayo’y mga anak, ay isinugo ng Diyos ang Espiritu ng Kaniyang Anak sa ating mga puso, na sumisigaw, Abba, Ama.”*

Pakinggan ang sabi ng Propeta ng Diyos tungkol sa bagay na ito:

Noon ay kumilos ang Diyos sa tubig sa pamamagitan ng Liwanag, at lumitaw ang liwanag. **Ang kaunaunahang Presensiya ng Diyos, ang binigkas na Liwanag ay dumating sa pamamagitan ng Salita ng Diyos (Gen. 1:3).** At ang Salita lamang ng Diyos ang tanging nagbibigay ng Liwanag. At nung manumbalik ang tubig, **ang binhi ay naroon na sa ilalim ng lupa (Gen. 1:11-12),** at pinalitaw lamang ng Liwanag ang mga binhing naroon na nagtataglay ng buhay, nagsitubo ang mga ito, **lumilikha ang Diyos.**

At ngayon, nung umaga ng Paskua ay ipinagkaloob ang Espiritu Santo na Siyang Liwanag na tumama sa lupa. **At Ito’y ipinagkaloob upang maghatid ng Liwanag sa mga Bining iyon na nung una pa’y nakita na ng Diyos sa pamamagitan ng paunang kaalaman Niya na mapaparito sa ibabaw ng lupa.** Dahil kilala Niya ang unang natural na binhi, **nalalaman din Niya kung saan naroon ang espirituwal na binhi. Ang iyong katawan ay nakahimlay na rito sa lupa nung likhain ng Diyos ang daigdig. Tayo ay bahagi ng lupa.** Nakahimlay na tayo rito noon pa man. **At sa pamamagitan ng paunang kaalaman Niya ay nakilala na Niya ng eksakto kung sino ang magsisiibig sa Kaniya at kung sino ang magsisipaglingkod sa Kaniya, at kung sino ang hindi.** Ang paunang kaalaman Niya ang nagsasabi sa atin tungkol sa bagay na iyan (*Mga Awit 139:1-18*). Kung hindi gayon ay hindi Siya Diyos. Hindi Siya maaaring maging isang Diyos kung hindi Siya impinit, nalalaman Niya ang lahat ng mga bagay (*Eccl. 3:14-14*). [1]

At sa araw na ito, **tinatawag ng Diyos ang mga hinirang Niya, na espirituwal na binhi ni Abraham sa pamamagitan ng pananampalataya** na nakasaad sa Salita ng Diyos (*Gal. 3:7*). Ang mga espirituwal na binhi sa araw na ito ay hindi tumatanggap ng intelektuwal na iglesia; bagkus ay ang Salita ang nakikita nito. [2]

**Ang binhi ni Abraham ay hindi ang natural na binhi; kundi yaong espirituwal na binhi.**

At ang Kasulatan ang may sabi **na kapag patay na tayo kay Cristo ay nagiging binhi tayo ni Abraham (Gal. 3:29).** Samakatuwid, **kung ikaw ay ipinanganak ng Espiritu ng Diyos (Juan 3:3), (kung ikaw ay nakay Cristo), ikaw ay binhi ni Abraham** at kasamang tagapagmana ayon sa pangako. At sasakupin ng iyong binhi ang mga pintuan ng iyong kaaway. [3]

Suriin natin ang ilan sa mga binhi ni **Abraham** ayon sa **natural na pagkabinhi**, kumpara sa atin sa ngayon na ayon sa **espirituwal na binhi**. Alamin natin ang bagay na ito sa pamamagitan ng natural na binhi, ilan sa kanila ay nanampalataya sa buong pangako ng Diyos... [4]

Sa buong panahon ay matutunghayan natin ang bagay na ito. Masusumpungan natin ang isang Moises, isang Jeremias, isang Juan Bautista, **at ang bawat isa sa kanila ay pawang eternal na kaisipan ng Diyos na ipinahayag sa kani kaniyang kapanahunan. Pagkatapos ay hahantong tayo kay Jesus na Siyang Logos. Siya ang sakdal at ganap na kaisipan na ipinahayag at nakilala Siya bilang Salita (Juan 1:1).** Iyan Siya, at iyan ang magiging kalagayan Niya habang panahon. [5]

Marami sa inyo ang sasang ayon sa akin sa kaisipang ito. Nung ikaw ay batang lalaki, o babae pa, sa iyong paglalakad ay namamalas mo ang mga nangyayari sa iyong paligid at may mga bagay bagay na bumabagabag sa iyo, samantalang ipinagwawalang bahala lamang ito ng ibang mga bata, **tila бага may isang bagay sa kalooban mo na sumisigaw (Mga Awit 42:1-3).** May kung anong nagsasabi sa iyo na mayroong Diyos, kahit na ikaw ay isang makasalanang pa noon. Naaalala ba ninyo ang bagay na iyan? Siyanga. Ngayon, ano nga ba ang bagay na iyan? **Iyan ay ang munting anyo ng Buhay na nasa iyo.**

Pagkatapos nito ay narinig mo ang Ebanghelyo. Marahil ay dumalo ka sa isang iglesia; may paisa isang bagay na nakuha ka, at nagpalipat lipat ka ng denominasyon. Ngunit isang araw, **dahil bahagi ka ng Diyos, kinakailangang maging bahagi ka ng Salita. At nung marinig mo ang Salita, napagtanto mo kung saan ka nanggaling, nalaman mo ang Katotohanan. Ito ay nasa iyo na noon pa man, ang binhing ito ay nasa iyo na sa pasimula pa. Nakilala ng Salita ang Salitang nasa iyo na bago pa itatag ang sanlibutan, nakita mo ang Salita kung kaya't lumapit ka sa bagay na Ito.** [6]

Pansinin na hindi magagawang tanggihan ng Salita ang Sarili Nito. Kung magkagayon ay masisiyahan ito—o ito'y isang pagnanasa. Ito'y isang pagnanasa tungkol saan? Ano nga ba ang nagbubunsod sa iyo upang nasain ang bagay na Ito? Iyan ay dahil sa iyong kaluluwa, [7] ano ba ang kaluluwa? Ito ay ikaw. Isa kang kaluluwa, ang bahagi na nasa loob mo. [8]

**May predestinadong binhi na siyang Buhay na Eternal na naririyang palagi, nariyan na noon pa man.** “Ang lahat ng ibinibigay sa Akin ng Ama ay magsisilapit sa Akin (Juan 6:37). Wala isa man sa kanila na mapapahamak.”

Kapag narinig ng isang taong nagiisip ang Salita ng Diyos, “Dinirinig ng Aking mga tupa ang Aking tinig, sa iba'y hindi sila magsisisunod,” **sapagkat sa loob nito ay may Buhay, at ang Buhay na Ito ay kumukunekta sa kapuwa Buhay (Juan 10:3-4).** Ang kasalanan ay kumukunekta sa kapuwa kasalanan, at ang kasalanan ay lubhang ipokrito na magagawa nitong papaniwalain ang sinoman na siya'y ligtas samantalang hindi naman pala. Ito ay nuknukan ng kaipokritohan.

Ang nais ng mga kasapi ng iglesia ay panala ng denominasyon upang magawa pa rin nila ang gusto nila at sa kabila nito ay maihanay pa rin sila bilang relihiyosong mga tao. Maririnig mo

silang nagsasabi, “Oh, napakarelihiyoso naman niya.” [7]

At kapag nagpatuloy tayo sa ganiyang kalagayan kung paanong ang limang panlabas na pandama ay ... Iyan ang daanan, ang **limang pandama ng katawan**. May isang paraan lamang upang makapasok ka sa katawan iya’y sa pamamagitan ng limang pandama: Paningin, panlasa, pakiramdam, pangamoy, at pandinig; **wala ng iba pang paraan upang makapasok sa katawan**.

Sa loob ng taong iyan ay may isang katauhan na tinatawag na **espiritu**. **At mayroon itong limang pandama**: Imahinasyon, at pagiisip (Pangangatuwiran), at pagibig (apeksiyon) at konsensiya, at memorya. Tama.

Ngayon, hindi mo magagawang magisip sa pamamagitan ng iyong katawan; nagiisip ka sa pamamagitan ng iyong isip. At marami sa mga Cristiano ang tumitigil na sa bahaging iyan. At magagawa talaga nila ang bagay na iyan, tulad ng butil ng trigo at ng panirang damo sa parang, **maaari silang mapahiran ng Espiritu Santo na Siya ring pumapahid sa mga tunay na mananampalataya**. Subalit sa loob ng susunod na baitang, ang ikatlong baitang, ang kaluluwa; **ian ang itinalaga ng Diyos**. **Diyan nakahimlay ang tunay na binhi (seed-germ), sa bahaging iyan**.

Ang kapanahunan ng iglesiang Laodicea ay hubad, bulag, aba, at hindi niya ito nalalaman... (*Apoc. 3:14-17*). Kita n’yo, ito’y pinahiran ng tunay na Espiritu. **Kita n’yo ang Espiritu Santo ay maaaring bumaba sa espiritu ng isang tao, subalit ang kaluluwa niya ang kaniyang binhi Ang binhing ito ay ang Salita**. Kita ny’o? Hindi mahalaga sa akin kung gaano ka kahusay mangaral, gaano mo man kagaling nagagawa ang isang bagay, at kung gaano ka umibig... Iyan ay isa sa mga daanan ng espiritu. Hindi mo magagawang umibig sa pamamagitan ng iyong katawan; umiibig ka sa pamamagitan ng iyong espiritu. Isa iyan sa mga daanan. **At magagawa mong ibig maging ang Diyos, subalit hindi pa rin ito magiging sapat**. **Magagawa mong magpalayas ng mga diablo, at mangaral, at gawin ang mga bagay bagay, ngunit hindi pa rin ito magiging sapat** (*Mat. 7:21-23*). Iyan ang sabi ni Jesus; ang sabi Niya marami ang magsisilapit sa araw na iyon. Ang Salita ang magpapatibay sa bagay na ito. [9]

Ang sabi Niya “*Ayon sa pagkapili Niya (Jesus) sa atin sa Kaniya bago itinatag ang sanlibutan*” (*Ef. 1:4*). Iyan ay nangangahulugan na naroon na tayo sa Kaniya sa pamamagitan ng pagiisip at kaisipan ng Diyos bago pa man itatag ang sanlibutan. **Nagbibigay iyan ng isang eternal na kalidad sa mga hinirang**. **Hindi mo maaaring tanggiin ang bagay na iyan**.

Ang mga hinirang na ito ay hindi lamang eternal na kaisipan ng Diyos na mahahayag sa tama nilang panahon, bagkus ang mga hinirang ding ito ay tatawagin sa ibang pangalan (*Rom. 4:16; Rom. 9:7-13*). [5]

At nung ibangon Niya ang Anak ng Diyos nung umaga ng Paskua, at isugo Niya ang Espiritu Santo (*Mga Gawa :1-4*), ito ay upang kasamang buhayin **ang binhing iyon ng Buhay na Eternal**, na nakilala Niya bago pa itatag ang sanlibutan, na ito ay paririto. [10]

At ang tunay na Binhi ng Diyos ay sumisipsip ng Espiritu. Ang lahat ng denominasyonalismo ay maglalaho; ang lahat ng di-pananampalataya ay mapaparam. At **kapag dumating ang Espiritu sa binhi ng Buhay na nakahimlay sa dakong iyan, palilitawin Nito ang isa pang**

**Binhi**, eksaktung eksakto. Isa na namang anak ng Diyos ang ipinanganak (Amen.), isang maliit na diyos, anak ng Diyos. [11]

“*Sapagkat sa isang Espiritu ay binautismuhan tayong lahat...*” (1 Cor. 12:13). At **ang Espiritu ay ang Buhay ni Cristo** (tama ba?), **ang Buhay ni Cristo. At ang buhay na nasa alin mang binhi**, Siya ang Binhing Salita, **binibigyang buhay Nito ang binhi**. Nakukuha ba ninyo? Kung ang buhay na ito ay naroon sa binhi at dumating ang Espiritu Santo rito, bibigyang buhay nito ang naturang binhi. [12]

Ang Diyos, sa pamamagitan ng kamatayan Niya, ang dugong nabubo ang nagpanumbalik sa Kaniyang mga pagaari (1 Pedro 1:18-20). **Tinubos Niya ang Nobya na siyang Binigkas na Binhing Salita**. “Dinirinig ng Aking mga tupa ang Aking tinig (Salita) at nagsisisunod sila sa Akin.” Tupa ka na noon pa man. Hindi ka kailanman naging isang baboy o aso pagkatapos ay naging isa kang tupa. Imposible ang bagay na iyan sapagkat ang bawat uri ng buhay ay magpapalitaw ng katulad nito at hindi maaring magpalit ng uri. (Gen. 1:24). [5]

Ngayon, ang Diyos, sa loob ng anim na libong taon ay itinanim Niya ang mabubuting binhing ito, o sa ibang pananalita ay binigkas Niya ang Kaniyang Salita. “Ito ay magiging ganito. Ang punong ito ay magiging ganito. Ito naman ay magiging ganito” (Gen. 1:11-12). **Ang lahat ay sakdal**. Napakabuti ng mga bagay na ito. At inutusan Niya ang mga binhing ito, na sila ay **magsilago ayon sa uri ng buhay na binigkas ng Diyos tungkol sa kanila sa pamamagitan ng Salita**. Kung ito ay isang puno ng *encina*, kailangang magbunga ito ng *encina*. Kung ito ay isang palma, kailangang magbunga ito ng palma.

Sapagkat isinugo ng dakilang Manlilikha ang Kaniyang Salita, at **ang Salitang binhi ay naroon na bago pa man magkaanyo ang tunay na binhi**. At ang Salita ang nagbigay ng anyo sa binhi. Kita n’yo na, ginawa Niya ang daigdig sa pamamagitan ng Kaniyang Salita. Ang lahat ng bagay ay nagsilitaw sa pamamagitan ng binigkas na Salita ng Diyos. [13]

Ngayon, kung taglay mo ang Buhay na Walang Hanggan, **kung may taglay tayong Buhay na Walang Hanggan, kung magkagayon tayo ay naroon na noon pa man, sapagkat may isang anyo lamang ng buhay na Walang Hanggan. Naroon na tayo noon pa. At ang dahilan kung bakit tayo naroon ay dahil bahagi tayo ng Diyos**. At ang Diyos lamang ang bukod tanging eternal.

**Ngayon, tayo ay bahagi ng Diyos. Noon pa man ay bahagi ka na Niya**. Hindi mo ito natatandaan, sapagkat noon ay isa kang katangian pa lamang ng Diyos. Naroon ka pa lamang sa Kaniyang kaisipan. Ang iyong pangalan, kung ito ay naroon sa Aklat ng Buhay, naisulat na ito bago pa itatag ang sanlibutan (Apoc. 13:8). Kilala Niya kung sino ka. Sinasaysay ko lamang ang mga bagay na ito, hindi upang haluan ko ng kung anong doktrina ang bagay na ito, may isang bagay lamang na nais kong ituwid, **upang makawala tayo sa takot at mga agam agam: hindi mo kasi kilala kung sino ka**. Hindi kayo magiging mga anak, bagkus ay dati na kayong mga anak na lalaki ng Diyos. Kita n’yo, noon pa man ay mga anak na lalaki na kayo ng Diyos (Gal. 4:6-7). Kita n’yo?

Sapagkat kung ikaw ay nasa kaisipan ng Diyos sa pasimula, dapat lamang na ang bahagi ng buhay na taglay mo sa ngayon, ay **naroon na sa Diyos bago pa man magkaroon ng...** Buweno, bago ka pa man lumitaw dito sa ibabaw ng lupa, bago pa man magkaroon ng kung ano rito, **narito na ang Diyos, at isa ka sa Kaniyang mga katangian.** Batid Niya kung ano ang magiging pangalan mo. Nalalaman Niya ang lahat ng bagay tungkol sa iyo. Ang nangyari lamang, naging makasalan ka... [6]

Ang bawat binhi ay mamumunga ayon sa Kaniyang uri. **Kung isa kang binhi ng Diyos, isa kang katangian, isa kang anak ng Diyos, kung gayon ang Salita ng Diyos ay naihasik na sa iyo.** Kita n'yo? At kapag narinig mo ang Salita ng Diyos, "Dinirinig ng Aking mga tupa ang Aking tinig; at sa iba'y hindi sila magsisisunod." Nakuha ba ninyo? Kaya ang bawat binhi ay mamumunga ayon sa kaniyang uri. [14]

**Sa simpleng pananalita ang Tunay na Nobya ni Cristo ay eternal na nasa kaisipan ng Diyos,** bagama't ito ay mahahayag lamang sa itinakdang panahon, o sa itinalagang kapanahunan. At sa paglitaw ng bawat bahagi, ito ay nahahayag at ito ay pumupuwesto sa katawan. **Kung kaya't ang nobya ay literal na nagiging Binigkas na Salita na Binhing Nobya.** Na dahil babae ang pagkakadiseno sa kaniya ay tinagurian din siya na "katawan ni Cristo". Dapat lamang na tawagin siyang gayon sapagkat siya ay predestinado sa Kaniya, isa lamang ang kanilang pinagmulan, siya ay eternal na kasama Niya, at ngayon ay nahahayag ang Diyos sa pamamagitan ng isang katawan na maraming sangkap samantalang noon ay nahayag Siya sa isang sangkap lamang, walang iba kundi ang ating Panginoong Jesus Cristo.

Ngayon, humantong na tayo sa isang konklusyon. Ang eternal na Logos (Ang Diyos) ay nahayag sa pamamagitan ng Anak, at nananahan kay Jesus ang kapuspusan ng Pagka-Diyos, at ang Isang Eternal na ito ay walang iba kundi ang Ama na nahayag sa laman, at dahil dito ay nakamit Niya ang titulo bilang Anak, gayon din naman tayo, eternal tayo sa Kaniyang kaisipan at ngayon tayo ay naging Binigkas na Salitang Binhi, na nahayag sa laman, at ang eternal na mga kaisipang iyon noon na nahayag sa laman ngayon ay mga anak na lalaki ng Diyos, iyan ang kalagayan natin. **Hindi tayo naging binhi sa pamamagitan ng bagong kapanganakan, tayo ay dati ng binhi kung kaya't ipinanganak tayo muli sapagkat tanging ang mga hinirang lamang ang maaaring ipanganak na muli. Ang dahilan kung bakit binigyang buhay tayo ay dahil sa dati na tayong mga binhi. Sa di-binhi ay walang bubuhayin (Gal. 4:6).**

*"Si Jacob ay iniibig Ko, datapuwat si Esau ay Aking kinapopootan, sapagkat ang mga anak nang hindi pa ipinapanganak, at hindi pa nagsisigawa ng anomang mabuti o masama" (Roma 9:13).*

Kita n'yo, isa itong kaisipan noon, at ngayon ang kaisipang iyon ay nahayag, at ipin anum-balik ng Diyos si Jacob, sapagkat si Jacob lamang ang binhi. Si Jacob, lamang ang may binhi; **iyang ang dahilan kung bakit may pagpapahalaga siya sa pagkapanganay at sa tipan ng Diyos.** Kung ikaw ay tunay na binhi, pakikinggan mo ang Salita; babautismuhan ka ng Espiritu sa katawan ni Cristo, pupuspusin ka Niya at bibigyan ka ng kapangyarihan, at **tatanggapin mo ang Salita sa iyong araw at kapanahunan.** [5]

At hindi ka kailanman magkakaroon ng tamang ideya sa paglapit sa Diyos, malibang palapitin ka muna Niya (*Juan 6:44*). Samakatuwid ito ay dumarating sa pamamagitan ng paghirang, hindi ba?



(Juan 15:16). At ang sinomang naririto na nakarinig ng pagkatok ng Diyos sa pintuan ng kanilang mga puso ay nararapat na sila ang pinakamasayang tao sa buong mundo. Siyanga. Sapagkat may mga tao na hindi Niya kailanman kakatukin ang kanilang puso. **Maaari Niyang gawin ang bagay na ito, ngunit bilang Diyos, nalalaman Niya ang pasimula at ang wakas.** Hindi Niya nais na ang sinoman ay mapahamak. Buweno, maaaring sabihin mo, “Mangangaral ako, paano mo ba ipinapangaral ang Ebanghelyo? Paano mo sila makikilala?” Hindi ko sila kilala. [15]

Reference:

- [1] “One In A Million”, par. 61-62
- [2] “Third Exodus”, pg. 37
- [3] “Thy Seed Shall Possess The Gate” (62-0121M), par. 24-25
- [4] “The Patriarch Abraham” (64-0207), par. 34
- [5] “Smyrnaean Church Age”, CAB pg. 150-152, 154
- [6] “God Who Is Rich In Mercy” (65-0119), par. 47-48/42-46
- [7] “A Thinking Man’s Filter” (65-0822E), par. 108-110
- [8] “You Must Be Born Again” (61-1231M), par. 111
- [9] “Christ Is Revealed In His Own Word” (65-0822M), par. 23-25/30
- [10] “God’s Provided Place Of Worship” (65-0425), par. 222
- [11] “Spoken Word Is The Original Seed” (62-0318M), pg. 31
- [12] “The Rapture” (65-1204), par. 93
- [13] “God’s Power To Transform” (65-0911), par. 49-50
- [14] “Satan’s Eden” (65-0829), pg. 15
- [15] “Greater Witness Than John” (53-1107), par. 14

---

Spiritual Building-Stone No. 186 from the Revealed Word of this hour, compiled by:  
Gerd Rodewald, Friedenstr. 69, D-75328 Schömburg, Germany  
[www.biblebelievers.de](http://www.biblebelievers.de), Fax: (+49) 72 35 33 06

---

*There’s coming one with a Message that’s straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]*